

ADMINISTRACIÓN LOCAL**MUNICIPAL****ESTRADA, A****Ordenanzas e Regulamentos*****APROBACIÓN DEFINITIVA DO ACORDO DE MODIFICACIÓN DA ORDENANZA
REGULADORA DO APARCAMENTO DE HORARIO LIMITADO*****A N U N C I O**

En sesión plenaria do 2 de novembro de 2017 aprobouse inicialmente a modificación da Ordenanza reguladora do Estacionamento de Horario Limitado.

Dado que durante o período de información pública non se presentaron reclamacións ou suxestións, de conformidade co artigo 49 da Lei 7/1985, enténdese definitivamente aprobado o Acordo ata entón provisional; polo que, de conformidade co previsto no artigo 70 da Lei 7/1985, procédese á publicación do texto íntegro da Ordenanza, que entrará en vigor segundo o previsto no artigo 70.2 da Lei 7/1985.

Segundo o establecido no artigo 46 da Lei 29/1998, tratándose dunha disposición xeral, fronte á mesma poderá interpoñerse recurso contencioso-administrativo no prazo de dous meses a contar dende o día seguinte ao da súa publicación no Boletín Oficial da Provincia. O recurso deberá interpoñerse ante a Sala do Contencioso/Administrativo do Tribuna Superior de Xustiza de Galicia, con sede en A Coruña. Todo isto, sen prexuízo de que se interpoña calquera outro que se estime oportuno e sexa aceptable en dereito.

“ORDENANZA REGULADORA DO ESTACIONAMENTO DE HORARIO LIMITADO***ARTIGO 1.—Ámbito de aplicación***

O ámbito de aplicación da Ordenanza estenderase a aquelas vías ou tramos das mesmas que se relacionan de seguido, denominado Zona Azul, durante o seu horario de funcionamento:

- Rúa Justo Martínez
- Rúa Castelao (delimitado no plano que se xunta)
- Tramo Rúa Iryda (delimitado no plano que se xunta)
- Rúa Manuel García Barros
- Rúa San Antón (delimitado no plano que se xunta)
- Rúa Padrón (delimitado no plano que se xunta)
- Rúa Waldo Álvarez Insua (delimitado no plano que se xunta)
- Rúa Capitán Bernal (delimitado no Plano que se xunta)



Xoves, 11 de xaneiro de 2018

Núm. 8

Dentro desta zona crearanse prazas de aparcamento exclusivas para residentes, denominada Zona Verde.

O ámbito de aplicación da zona de residentes, denominado Zona Verde, fíxase nas:

- Rúa San Antón (delimitado no plano adxunto)
- Tramo Rúa Iryda (delimitado no plano adxunto)

Rúa Manuel García Barros (delimitado no plano adxunto)

Os residentes deberán acreditar a súa condición mediante un adhesivo que será expedido polo Concello, previa acreditación de residencia.

Nos espazos reservados a residentes poderán aparcarse unicamente as persoas que acrediten a súa residencia en:

- Rúa San Antón
- Rúa Calvo Sotelo
- Rúa Iryda
- Rúa Castelao
- Rúa Justo Martínez
- Rúa Manuel García Barros.
- Rúa Waldo Álvarez Insua
- Praza de Martínez Anido (Praza do Mercado)
- Rúa Irmáns Valladares
- Rúa Peregrina
- Rúa Padrón

O propietario ou condutor de todo vehículo estacionado nas zonas para residentes colocará o adhesivo acreditativo nun lugar visible dentro do vehículo.

Delimitaranse as prazas de estacionamento correspondentes na zona azul e na zona verde.

ARTIGO 2.—Conceptos previos

1.—A Zona Azul comprende a superficie do termo municipal sinalada no epígrafe anterior e o seu réxime de estacionamento queda sometido ás normas desta Ordenanza.

2.—Dentro da Zona Azul e durante o seu funcionamento, non hai libre aparcamento, senón que todos os espazos están suxeitos ao réxime de estacionamento limitado, salvo que estea reservado ou prohibido expresamente; neste caso estarán sometidos ao réxime xeral de prohibición.

3.—Dentro da Zona Verde permitirase o aparcamento para os residentes autorizados de 9.00 a 20.30 horas (os sábados ata as 14.00 horas) sen limitación de tempo máximo de aparcamento, agás os domingos, festivos e a tarde dos sábados, que non haberá limitación.



Xoves, 11 de xaneiro de 2018

Núm. 8

ARTIGO 3.—Competencias

Corresponde ao Pleno a fixación e modificación do perímetro da Zona Azul e da zona de residentes.

Así mesmo, a utilización de ditas zonas de estacionamento, poderá ser suspendida temporalmente, mediante Resolución da Alcaldía, para a realización de limpeza de rúas, competicións deportivas ou outros motivos que así o aconsellen e previo informe da Xefatura da Policía Local.

*ARTIGO 4.—Funcionamento da Zona Azul**Artigo 4.1.—Sinalización vertical e horizontal*

1.—Sinalización vertical da zona Azul.

a) Todas as entradas e saídas estarán indicadas mediante sinais verticais e específicas de comezo e fin da Zona Azul.

b) O formato dos sinais verticais mencionados no apartado anterior será o establecido no Anexo da presente Ordenanza, onde se fará constar, entre outros, que o tempo máximo de aparcamento será de 1 hora 30 minutos.

En canto a sinalización horizontal, os espazos estarán delimitados mediante liñas descontinuas de cor azul.

Artigo 4.2.—Disco de Control

Dentro da zona azul o condutor, ao estacionar, ten a obriga de colocar o disco de control ou outro medio indicador que permita comprobar a hora de chegada no salpicadeiro dianteiro do seu vehículo, no lado máis próximo á beirarrúa.

O disco de control consiste nunha pequena roda de 11 x 11 cm, aproximadamente, onde na ventá da esquerda deberá figurar a hora de chegada que fixará o condutor ao xiralo disco e, automaticamente, aparecerá na ventá da dereita a hora límite á que ten que abandonar o lugar, de acordo coa franxa horaria establecida na presente Ordenanza; se embargo, tamén poderá utilizarse outro medio indicador que permita comprobar a hora de chegada.

*ARTIGO 5.—Funcionamento da Zona Verde**Artigo 5.1.—Sinalización vertical e horizontal*

1.—Sinalización vertical da zona Verde.

a) Todas as entradas e saídas estarán indicadas mediante sinais verticais e específicas de comezo e fin da Zona Verde.



Xoves, 11 de xaneiro de 2018

Núm. 8

b) O formato dos sinais verticais mencionados no apartado anterior será o establecido no Anexo da presente Ordenanza.

En canto a sinalización horizontal, os espazos estarán delimitados mediante liñas descontinuas de cor verde.

Artigo 5.2.—Adhesivo de residente

Dentro da zona verde o condutor, ao estacionar, ten a obriga de colocar o adhesivo de residente no parabrisas ou salpicadeiro dianteiros do seu vehículo.

O adhesivo de residente solicitarase no Concello, para o que se deberá de aportar a seguinte documentación:

- DNI da persoa a nome da que se solicita o permiso.
- Volante de empadramento do Concello da Estrada ou informe policial que deixe constancia de que dito enderezo é a residencia habitual do solicitante.
- Xustificante de pagamento da Taxa polo Imposto sobre Vehículos de Tracción Mecánica.
- En caso de que o vehículo obxecto da solicitude do adhesivo de Zona Verde non estivera a nome da persoa que solicita o permiso, deberá xuntarse copia da póliza do seguro onde se faga constar que esta é o condutor habitual do dito vehículo o segundo condutor.
- En caso de vehículos de empresa se facilitará o certificado de empresa e, no caso de vehículos leasing, certificado bancario.

No nomeado adhesivo figurará a matrícula do vehículo autorizado, tendo validez unicamente para este.

Artigo 5.3.—Horario e datas de estacionamento das Zonas Verde e Azul

O horario de limitación comprenderá de 9.00 a 20.30 horas (os sábados ata as 14:00 horas). Agás os domingos, festivos e a tarde dos sábados, que non haberá limitación.

Na Zona Verde os vehículos non poderán permanecer estacionados sen ser movidos máis de sete días consecutivos.

ARTIGO 6.—Horario e datas de estacionamento

O horario de limitación comprenderá de 9.00 a 20.30 horas (os sábados de 9.00 a 14:00 horas). Agás os domingos, festivos e a tarde dos sábados, que non haberá limitación.



<i>Hora de Chegada</i>	<i>Hora de saída</i>
Despois das 20.30 horas	Libre aparcamento ata as 09.00 horas
Entre as 09.00 e as 9.30 horas	10.30 horas
Entre as 09.30 e as 10.00 horas	11.00 horas
Entre as 10.00 e as 10.30 horas	11.30 horas
Entre as 10.30 e as 11.00 horas	12.00 horas
Entre as 11.00 e as 11.30 horas	12.30 horas
Entre as 11.30 e as 12.00 horas	13.00 horas
Entre as 12.00 e as 12.30 horas	13.30 horas
Entre as 12.30 e as 13.30 horas	14.00 horas
Entre as 13.00 e as 16.00 horas	16.30 horas
Entre as 16.00 e as 16.30 horas	17.30 horas
Entre as 16.30 e as 17.00 horas	18.00 horas
Entre as 17.00 e as 17.30 horas	18.30 horas
Entre as 17.30 e as 18.00 horas	19.00 horas
Entre as 18.00 e as 18.30 horas	19.30 horas
Entre as 18.30 e as 19.00 horas	20.00 horas
Entre as 19.00 e as 19.30 horas	20.30 horas

ARTIGO 7.—Estacionamento non permitidos na Zona Azul

Non poderán estacionar na Zona Azul nin na Zona Verde os vehículos de PMA superior a 3.500 kg, salvo autorización expresa.

ARTIGO 8.—Vehículos exentos de limitación na Zona Azul

Están exentos das limitacións de estacionamento de Zona Azul.

1.—Os vehículos que dispoñan de título habilitante especial outorgado polo Concello, en atencións a circunstancias tales como servizos asistenciais, servizos de emerxencia, seguridade cidadá, etc.

2.—Aqueles vehículos que tiveran Licenza Municipal para actividades específicas de ocupación de vía pública (aparatos elevadores, guindastres, vehículos de mudanzas, etc.).

3.—Os vehículos oficiais do Estado, Comunidades Autónomas e Entidades Locais adscritos á defensa nacional ou á seguridade cidadá.

4.—Os vehículos de representación diplomáticas, oficinas consulares, axentes diplomáticos e funcionarios consulares de carreira acreditados en España, que sexan súbditos dos respectivos países, externamente identificados e a condición de reciprocidade na súa extensión e grado.

5.—Os ciclomotores ou motocicletas poderán permanecer estacionadas na Zona Azul sen limitación horaria, sempre que aparquen en perpendicular coa beirarrúa, ocupando o menor espazo posible.



Xoves, 11 de xaneiro de 2018

Núm. 8

6.—Os vehículos de Organismos Internacionais con sede u oficina en España e de seus funcionarios con estatuto diplomático.

7.—Vehículos industriais que estean facendo operacións de carga e descarga durante tempo limitado, previa autorización da Policía Local.

ARTIGO 9.—Infraccións e procedemento Sancionador

Artigo 9.1.—Infraccións

Considéranse Infraccións á Ordenanza:

a) Estacionar en zona limitada e superar o tempo máximo autorizado reflectido no disco de control ou no outro medio indicador que permita comprobar a hora de chegada

b) Estacionar en zona limitada sen ter colocado no vehículo o disco de control ou outro medio indicador que permita comprobar a hora de chegada.

c) Estacionar en zona limitada e ter o disco de control ou o outro medio indicador colocado de forma non lexible.

d) Estacionar en zona limitada e modificar o horario no disco de control ou o outro medio indicador, un horario distinto ao de chegada.

e) Estacionar en zona limitada e modificar o horario no disco de control ou o outro medio indicador, sen retirar o vehículo a outra rúa.

f) Estacionar en Zona Verde sen colocar o adhesivo de residente á vista do vehículo.

g) Estacionar un vehículo en Zona Verde con adhesivo de residente que non corresponda ao vehículo autorizado.

h) Estacionar un vehículo de máis de 3.500 kg sen previa autorización da Policía Local

i) Estacionar un vehículo na Zona Verde, sen ser movido, máis de sete días consecutivos.

Artigo 9.2.—Procedemento Sancionador

Sen prexuízo das particularidades que, no seu caso, puideran establecerse nunha futura Ordenanza Xeral de Circulación, o procedemento sancionador aplicable será o previsto no RE 320/1994, polo que se aproba o Regulamento do procedemento sancionador en materia de tráfico, circulación de vehículos a motor e seguridade viaria.

ARTIGO 10.—Cadro de Infraccións e multas

Establécese o seguinte cadro de infraccións e multas.



Xoves, 11 de xaneiro de 2018

Núm. 8


<i>Infracción</i>	<i>Incumprimento artigo</i>	<i>Feito denunciado</i>	<i>Multa</i>
LEVE	Art. 9.b	Estacionar en Zona Azul sen ter colocado no vehículo o disco de control ou outro medio indicador que permita comprobar a hora de chegada, á vista segundo a presente Ordenanza	80,00 €
LEVE	Art. 9.h	Estacionar un vehículo de máis de 3.500 kg sen previa autorización da Policía Local	80,00 €
LEVE	Art. 9.a	Estacionar en Zona Azul e sobrepasar o tempo máximo autorizado reflectido no disco de control ou no outro medio indicador que permita comprobar a hora de chegada	60,00 €
LEVE	Art. 9.c	Estacionar en Zona Azul e ter o disco de control (ou no outro medio de control que permita controlar a hora de chegada) non colocado de forma non lexible	60,00 €
LEVE	Art. 9.d	Estacionar en Zona Azul e marcar no disco de control ou no outro medio indicador un horario distinto ao de chegada.	60,00 €
LEVE	Art. 9.d	Estacionar en Zona Azul e modificar o horario no disco de control ou no outro medio indicador sen retirar o vehículo a outra rúa	80,00 €
LEVE	Art. 9.f Art. 9.g	Estacionar en Zona Verde sen ter colocado no vehículo á vista o adhesivo de residente segundo a presente Ordenanza ou estacionar un vehículo en zona verde con adhesivo de residente que non corresponda ao vehículo autorizado.	80,00 €
LEVE	Art. 9.i	Estacionar en Zona Verde, sen mover o vehículo, máis de sete días consecutivos.	80,00 €

Pode verificar a integridade deste documento no seguinte enderezo:
<https://sede.depo.es/verificacion-csv>
Código seguro de verificación: E69TU2G6L5SQC38



Xoves, 11 de xaneiro de 2018

Núm. 8




Pode verificar a integridade deste documento no seguinte enderezo:
<https://sede.depo.es/verificacion-csv>
 Código seguro de verificación: E69TU2G6L5SWQC38



Xoves, 11 de xaneiro de 2018

Núm. 8




Pode verificar a integridade deste documento no seguinte enderezo:
<https://sede.depo.es/verificacion-csv>
Código seguro de verificación: E69TU2G6L5SWQC38



Xoves, 11 de xaneiro de 2018

Núm. 8



A Estrada, 2 de xaneiro de 2018

O ALCALDE,

DOCUMENTO ASINADO ELECTRONICAMENTE AO MARXE

Pode verificar a integridade deste documento no seguinte enderezo:
<https://sede.depo.es/verificacion-csv>
Código seguro de verificación: E69TU2G6L5SQC38

